



Beasaingo Udala

Beasainen, bi mila eta hemeretziko urtarilaren hogeita lauan

BILDURIK

Alde batetik, BEASAINGO UDALA, Aitor Aldasoro Iturbe Alkate-lehendakari jaunak ordezkaturik, Beasaingo Udalaren Alkate-lehendakaria, Toki araubidearen oinarriak erregulatzen dituen apirilaren 2ko 7/1985 legearen 21. artikulua.

Bestetik, BEAR PINTURA ZALETUEN ELKARTEA (N.I.F.: G20611851), Iker Dorronsoro Begiristain and. (NA 72448377X) Bear Pintura Zaletuen Elkartearen Lehendakariak ordezkaturik, 2018ko martxoaren 20ko batzar orokorrean hartutako erabakiaren arabera.

AURREKINAK

I. Bear Pintura Zaletuen Elkarteak interesgarriak diren kultur eta hezkuntza jarduerak egiten ditu.

II. Bear Pintura Zaletuen Elkarteak kultur sustapenean biziki laguntzen du, urtean zehar hainbat jardura programatuz.

III. Bear Pintura Zaletuen Elkarteak arte plastiko-hezkuntzako (pintura) jardura aipagarriak eta aldi berean espresio artistiko honi buruzko praktikan oinarrituriko lanak egiten ditu.

IV. Hitzarmen honen helburua eta Udalaren arteko harremana erregulatzea da, 2019. urtean zehar hainbat jardura desberdin egiteko.

BALDINTZAK

LEHENA.- Bear Pintura Zaletuen Elkarteak urritik ekaina bitartean emango duen pintura ikastaro bat antolatu eta finantzatzeko konpromisoa hartzen du.

BIGARRENA.- Beasaingo Udalak 435,50 €-ko dirulaguntza emanez laguntzen du ikastaro honetan eta Urbieta Arte Plastikoetako zentroko gela bat utziz. Bear Pintura Zaletuen Elkarteak zentroko arauak betetzeko konpromisoa hartzen du.

Udalak ematen duen diru-laguntza bateragarria izango da helburu berdinetarako elkarteak jasotzen dituen beste laguntzekin. Jasoz gero, ezagutu bezain pronto, Udalarik jakinaraziko dio eta horrek hitzarmena berrikustea ekarriko du.

Bere erantzukizunpean adierazten du, betebeharrak fiskaletan eta gizarte segurantzarekiko betebeharretan egunean dagoela.



HIRUGARRENA.- Bear Pintura Zaletuen Elkartek ikasturtean aritu diren ikasleekin ikasturte amaierako erakusketa bat antolatu eta finantzatzeko konpromisoa hartzen du.

LAUGARRENA.- Beasaingo Udalak jarduera horretan lagunduko du Usurbe Antzokiko Erakusketa Aretoa utziz, zaintza barne.

BOSGARRENA.- Bear Pintura Zaletuen Elkartek bere partaidetza beharrezkoa den beste edozein ekitalditan lagunduko du.

SEIGARRENA.- Bear Pintura Zaletuen Elkarteari dagokio hitzarmendutako jardueri beharrezkoa den publizitatea egitea eta Beasaingo Udalaren laguntza (eta logotipoa) aipatzea beraiek antolatutako jardueri buruz egiten dituzten prentsarako ohar guztietan. Era berean, leku duin eta ikusgarrian aipatu beharko dira Beasaingo Udalaren laguntza, kartel, aldizkari, esku-egitarau, e. a., motatako zabalkunde-bitartekoak erabiltzen direnean.

ZAZPIGARRENA.- Hizkuntz Politikako irizpideak jarraituz, idatziz sortzen diren material guztietan (kartel, diptiko, eskuliburu, apunte etab.) euskarari lehentasuna emango zaio eta materialen zirriborroak inprimategira eraman aurretik Udaletxera ekarriko dira testuen hizkuntz egokitasuna eta proportzioen zuzentasuna ziurtatzeko. Aurkezpenetan eta antzekoetan ere euskarak lehentasuna izango du.

ZORTZIGARRENA.- Bear Pintura Zaletuen Elkartea, publizitate bidez finantzatuko dituen diptiko edo beste edozein inprimakiren kasuan, dendariak euskarazko publizitatea eros dezaten ahaleginduko da eta, bestela, publizitatea ele bietara jasotzeko ahalegina egiteko konpromisoa hartzen du.

BEDERATZIGARRENA.- Udalak hizkuntzari dagozkion arlo guztietarako bere laguntza eta lankidetzak eskainiko ditu.

HAMARGARRENA.- Beasaingo Udalak beharrezkoak diren Udal zerbitzuak eskaintzen jarraituko du, esandako jarduerak ongi burutuko direla ziurtatzeko, eta Kultura Batzordeak beren antolaketa gainbegiratu ahal izango du.

HAMAIKAGARRENA.- Beasaingo Bear Pintura Zaletuen Elkartek aurkeztutako kontuan hitzarmendutako zenbatekoa sartuko du jarduera burutu baino lehen, eta Bear Pintura Zaletuen Elkartek urtea amaitu baino lehen udalaren esku utzi beharko du ondorengo dokumentazioa:

- a) Jardueren azalpen memoria, bertan ekitaldi guztietan egindako hizkuntz erabilpenaren berri zehatza eta arrazoitua eman.
- b) Fakturak edo eskuratutako dokumentuak, ahal bada originalak, edota fotokopiak, egindako gastuen egiaztagarri.





Beasaingo Udala

c) Idatziz sortutako materialaren ale bana aurkeztu beharko ditu.

HAMABIGARRENA.- Hitzarmen hau betetzeari dagokion guztirako, Bear Pintura Zaletuen Elkartek Alkatetzak horretarako izendatzen duen pertsona edo pertsonekin izango ditu zuzeneko harremanak.

HAMAHIRUGARRENA.- Emakumeen eta Gizonen Berdintasuna babesteko klausula. Elkarrekin berdintasuneko irizpideak (Otsailaren 18ko 4/2005 Legea, Emakumeen eta Gizonen Berdintasunerakoa eta hau aldatzen duen otsailaren 16ko 3/2012 Legea) kontuan hartuko dituzte bai elkartearen barruan bai eta sustatzen dituzten proposamenak gauzatzeko garaian ere.

HAMALAU GARRENA.- Datu pertsonalak babesteko klausula.

- A. 1999ko abenduaren 13ko 15/1999 Lege Organikoan (DBLO) ezarritakoa betez, alegia, Datu Pertsonalak Babestekoan, alde bakoitzak erasandakoen baimen informatua lortzeko ardura izango du, hain zuzen ere, hitzarmen honen xede diren jardueren garapenean beharrezkoak diren beren datu pertsonalen tratamendurako. Era berean, alde bakoitzak hitzarmen honen xede diren jardueren garapenean erabilitako datu pertsonalen konfidentzialtasuna bermatzeko ardura izango du.
- B. Elkarrekin Beasaingo Udalari datu pertsonalen lagapena eginez gero, uneoro, beren datu pertsonalak lagatzeko erasandakoen baimen informatua duela bermatu beharko du.
- C. Alde bakoitzak egin litzakeen indarrean dagoen datuak babesteko araudi honen ez-betetzeetatik lezotzeko ardurak bere gain hartuko ditu.

HAMABOSGARRENA.- Aurreko edozein baldintza behar bezala ez betetzeak hitzarmen hau berrikustea ekarriko du.

Eta esandako guztiarekin ados egonik, bilduek dokumentu hau urte beterako sinatu dute bikoizturik, goiburuan aipatutako data eta lekuan.



